

近代中國史料叢刊第五十一輯

沈雲龍主編

劉武慎公（長佑）年譜

王鄧  
政輔  
慈綸  
編

文海出版社印行

劉武慎公年譜卷一

武岡鄧輔繪彌之編次

新化王政慈子受同編

嘉慶二十三年戊寅公一歲

公諱長佑字爾眷號蔭渠一號子默行一又行二晚年自號扶彝黑叟先世故江西籍有諱彥仁者明洪武二十四年自吉安府安福縣徙湖南寶慶府之新甯居北鄉尺木山遂爲新甯人四世祖諱利賢天順十九年再遷縣城東關外後街金城里遂世居焉江西劉氏遷新甯者十餘支各以所居地名其房利賢公之來金城始爲額屋因稱

屋房劉家云十世祖諱士元十一世祖諱有義號萬菴兄  
弟七人萬菴公其長也妣許氏生子五公會祖考其第四  
子也會祖考諱儒禹字祇若府學增生妣鄢氏生子二繼  
妣李氏生子二又繼妣李氏祖考繼會祖妣李氏所出諱  
世貴字秋文國子學生妣李氏生子三長諱時薦更名祖  
培字廷選更字玉峯縣學生娶李氏次爲廷才公三諱時  
夔字廷贊號祖植娶蔣氏繼祖妣曾氏無出考諱時華字  
廷才別號寶泉從九品銜妣鄭氏三代以公貴皆

贈光祿大夫曾祖妣以下皆

贈一品夫人自秋文公而上世有隱德至寶泉公孝友純至樂

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



善好施秋文公卽世事繼母曾太夫人孺慕彌篤人以為  
難事詳湘鄉會文正公所為墓志及清泉丁伊甫先生墓  
表中是年十一月十九日巳時公生於金城村宅前一夕  
公伯母李太夫人夢大星落堂上金光爛然及生徧體粟  
色眉目間有威棱兩股黑癭隱起如鱗甲口能容拳性凝  
重有度數歲卽言笑不苟如成人是年十月初六日玉峯  
公卒

嘉慶二十四年己卯公二歲

公外舅縣學生李公德鵬妣林氏以十月十六日寅時生  
李太夫人德鵬公為公祖母李太夫人之姪豪俠好義李

曾兩太夫人皆厚待之故結姻焉後受

貤封如公官

嘉慶二十五年庚辰公三歲

道光元年辛巳公四歲

道光二年壬午公五歲

正月二十六日次弟長佐生字爾弼號又卿三月初十日  
廷贊公之子長偉生字爾俊號子傅行一四月十七日廷  
贊公卒妣蔣太夫人時年二十五歲

道光三年癸未公六歲

從同里王先生來珍學四書詩經國風成誦

道光四年甲申公七歲

從同里王先生攻烈學詩經書經成誦

道光五年乙酉公八歲

復從王先生來珍學春秋左傳成誦

道光六年丙戌公九歲

從姑丈陳毅吾先生學於蓮村左傳禮記成誦先生諱佳  
保所居在南鄉之長湖去城十里同學者堂兄守先公諱  
長保字爾定號笑山時年十歲四月初七日繼祖妣曾太  
夫人卒六月二十四日季弟長伸生字爾揚

道光七年丁亥公十歲

仍從陳先生學通周禮諸經始學時藝

道光八年戊子公十一歲

仍從陳先生學於蓮村

道光九年己丑公十二歲

從陳先生於長湖一夕聞樓上窸窣聲仰視見一盜踰牖欲出公一縱躡其後持盜足盜反顧則所識鄰子也笑而釋去後甲辰科自省試歸舍舟而陸同人先行獨與一僕守行李遺茶囊舟中使僕返取之林中出三四盜其一人挈箱餘盜環伺未行公戲以手按一盜肩盜仆不能起因拜乞命餘遂悉竄走蓋自童穉時已力過人如此



道光十年庚寅公十三歲

仍從陳先生學始肆觀諸子史

道光十一年辛卯公十四歲

仍從陳先生學同學者弟又卿公九月初七日四弟長健  
生字爾剛號順堂

道光十二年壬辰公十五歲

仍借弟又卿從陳先生學自前年以來益力於學爲文喜  
深沈之思解館歸卽借弟讀樓上每擬題數十紙投篋中  
夜輒拈一題寢泉公趣早息輒滅火假寐已而起以被障  
牖篝燈課帳中文不成不寢也

道光十三年癸巳公十六歲

仍偕弟又卿從陳先生學秋應縣試列十名前冬應府試知府惠體康公以公儀狀非常而文又有法到底不懈爲童軍所未有大器之取第一

道光十四年甲午公十七歲

仍偕弟又卿從陳先生學春應院試取入新甯縣學生員學使爲岳公鎮南字文峯題爲昔者趙簡子使王良至第二句反命曰

道光十五年乙未公十八歲

仍從陳先生學春應歲試列二等學使爲龔公維琳

道光十六年丙申公十九歲

肄業府城濂溪書院院長爲邵陽譚海門先生諱驥丁丑  
進士是冬李太夫人來歸

道光十七年丁酉公二十歲

春應科試列二等是歲同縣江忠烈公忠源得拔貢五月  
從陳先生江公赴嶽麓書院肄業院長爲安仁歐陽坦齋  
先生厚均秋應鄉試江公領鄉薦公隨陳先生留院度歲  
道光十八年戊戌公二十一歲

春自省城歸應試列一等學使爲蕭公良城題爲君子學  
道則愛人二月初三日長子思詢生夏仍赴嶽麓人衆齋

無可居乃入城南書院肄業院長爲陳堯農先生

道光十九年己亥公二十二歲

仍肄業嶽麓書院秋歸爲寶泉公五旬稱祝是年七月二十五日爾揚公卒

道光二十年庚子公二十三歲

春應科試列一等試畢仍赴嶽麓秋鄉試報罷歸里九月初五日次子思詣生

道光二十一年辛丑公二十四歲

春應歲試以一名補廩膳生學使爲張公鏞號振之題爲道得衆則得國張公亟賞之縣典史劉公金芝延公

教其子恒勸公遷家去曰新甯將大亂公然之劉公次年  
自引疾去未數年而雷李二逆相繼起矣十二月十九日  
三子思謙生

道光二十二年壬寅公二十五歲

同縣鄭公紹沛延公教其子是年爲長子思詢聘江忠烈  
公弟建川公女

道光二十三年癸卯公二十六歲

春應科試列一等一名試畢仍赴嶽麓秋試報罷歸里

道光二十四年甲辰公二十七歲

春應歲試列一等學使爲陳公壇秋應鄉試報罷歸里陳

穀吾先生領鄉薦是年六月二十四日長女生

道光二十五年乙巳公二十八歲

道光二十六年丙午公二十九歲

春應科試列一等次弟又卿亦以府試第一取入縣學夏  
偕弟又卿赴嶽麓山院長爲清泉丁伊輔先生善慶見公  
文卽大器之助以經世之學課必優等鄉試報罷爲扼腕  
太息仍留麓山度歲是年五月二十四日次女生

道光二十七年丁未公三十歲

春自省城歸應歲試列一等一名經古亦列優等學使爲  
梁公同新字架亭廣東順德人試畢返里四月卽赴麓山

留麓山度歲

道光二十八年戊申公三十一歲

正月初七日四子忍訓生是年仍留麓山度歲計前後肄業麓山十一寒暑留度歲者九然每堂上壽常歸祝也公書法爲同輩冠坦齋伊輔兩先生皆亟稱之同縣江陳二公在麓院最有能文曁時謂得公而三矣

道光二十九年己酉公三十二歲

正月自省歸應科試列一等一名弟又卿與族叔覲莊公亦同列一等又卿補廩膳生公考取拔貢生梁公喜甚謂其子此次得一黑大人蓋以器局知公之必顯矣七月會

考列十名前鄉試榜前歸次湘鄉夢在嶽麓魁星樓下見  
同學黃麓生汪仙甫諸公在上呼公上樓公甫上梯將及  
樓見魁星下座公不敢前乃立於梯上魁星以所執大筆  
向公額上一點曰去公駭醒房中金光如白晝公曰店主  
何至夜深尙未息燈也金光乃沒公知是科又下第且此  
科後卽不能再應秋試神固豫示之矣時寶泉公卜期十  
月十五日肅賓祀祖十三日教匪李沅發等作亂縣城失  
守沅發者會匪雷再浩黨也公方自省歸聞倉卒亂起急  
趨視市中有裹紅巾者乃返金城里自舉觀材抵大門手  
大槓衝屋後垣垣倒負父母出家人從之遂避之西鄉十



四日聞賊已戕縣官及院長陳毅吾先生於是寶泉公攜眷至凍江口僱舟赴府城峴公之封翁攜眷至石田村使公與峴公徒步入府署告變知府張公鎮南命先歸集團助勦乃約二十八村鄉勇各以腰牌爲識先議合圍張公至長寶道楊炳堃亦率營至楊公忽疑鄉勇不可信令駐十里外惟營兵得近城賊勢遂張日出挑戰兵傷者甚衆公乃約諸紳見張公請開地道張公甚喜進駐城東於東北郭掘地道晝夜轟擊賊知不可據出北門穿官兵營逸去竄深沖洞公率鄉勇追之一日馳百里殲賊百餘人賊竄廣西興安苗山中公與峴公方謀窮追勦滅之而楊公

以李沅發全股盡殲上報卽日撤團勇歸矣十二月公遂歸府城度歲

道光三十年庚戌公三十三歲

正月奉堂上及家人自府城歸里李沅發之逸入興安也  
廣西大吏奏聞請兵楚督裕泰公督師新甯參軍事者張  
開霽乾州廳人數稱公才裕公寓王氏祠與公家鄰一見  
大器公公策李沅發無遠志決其窮必歸新甯裕公再三  
敦督公遂檄領鄉勇禦賊於黔粵邊界苗峯山中彭剛直  
公隨永州鎮標兵亦追賊至界一見如故交然寶泉公屢  
以書來趣入都迫令解兵事與計偕四月以營勇交堂弟

長偉管帶辭裕公北上未幾李逆爲黔桂兵遏勦回竄據大金峯嶺自固又屢敗以十餘人守石洞中長偉檢之紮竹橋上昇至公丈人李德鵬家德鵬遣急使借學官轎昇之送裕公所賞花紅一千串領得四百串獎長偉六品軍功既而保把總從曾文正殉難靖港以千總讓卹

賞雲騎尉世職焉李沅發本縣南對河水頭村人其地大山與廣西全州湖南東安鄰大山中愚民皆被誘入會者李逆之起爲加糧戕官事出倉猝故未號召其反也意圖盡約會中人再亂而李德鵬先已開諭會中詣官具悔狀故李逆遂窮伏誅云公五月抵都寓寶慶會館時曾文正公官

禮部極相重如故交既試報罷就教諭職候選遵寶泉公  
命將入監肄業六月連丁內外艱家人慮道遠不勝哀毀  
止以太夫人憂訃但云寶泉公亦微疾曾公釀同鄉官來  
唁且袖十二金爲贖公聞訃頓地擗踊輒昏絕又心憂父  
疾刺指血疏天求益壽所過大神寺必疏籲不懈至城東  
二十里知太夫人逝在六月十一日寶泉公卽以十四日  
捐背大慟又踣絕久始蘇日夕拊柩號逾期猶粥食柴毀  
骨立見者涕零焉十二月葬西鄉楊溪村鸞嶺是年十月  
十六日五子思謹生

咸豐元年辛亥公三十四歲

大學士賽尙阿公督師征廣西金田疏調江忠烈公募勇  
五百人赴軍江公約公偕以喪辭既而大軍圍永安提督  
向忠武公榮與都督武壯公烏蘭泰議軍事不合江公知  
且敗引疾歸暇輒過公扼腕相太息

咸豐二年壬子公三十五歲

受邑令戚公天保聘主講維新書院二月賊潰永安撲桂  
林烏公以創卒於軍江公開警以大義責公當偕其弟壯  
節公忠濟添募五百人續來江公卽行公不敢辭以三月  
二十一日至軍桂林城北合新舊所部千七百人名楚勇  
是爲楚勇之始二十五日移軍城東鷓鴣洲二十八日江

公方入城計事賊來攻公敗之追擊至城南大花橋又大敗之三十日楚勇會秦恭武公定三壯節公開隆阿諸軍力戰又連敗之福隆墟焚其壘及鬪鷄山下賊壘一時並燼遂解桂林之圍四月朔賊分路北竄靈川與安官軍亦分三路追之合擊之興安縣之嚴關口會秦軍由間道鈔賊又敗之全州之碎井頭賊竄全州將竄永州公從江公扼之蓑衣渡戰兩晝夜大敗之又從灌陽追擊之敗之鴨碧渡時向忠武病以重兵留桂林夾岸無一兵截勦賊遂掠船北渡五月襲據道州六月分股竄江華永明藍山嘉禾七月又襲破桂陽郴州是時總督程公喬采以重兵駐

衡不能分軍防郴楚勇雖屢有斬獲而江部不及二千諸營皆尾賊後賊且敗且掠連陷七城遂進陷安仁攸縣醴陵竄據長沙城南之妙高峯公初至軍每以選鋒爲言及追賊道州忠烈屬公任其事兩日得敢死士五百人遂率以攻據郴之賊敗之陳家橋八月聞長沙戒嚴江公乃留其叔弟壯節公忠濟游擊李輔朝領千五百人攻郴自與公以選鋒卒五百隨忠壯公和春下援十三日抵長沙遂自湘西出漈灣市渡湘至城北公以城東南隅地勢高瞰城中恐賊先我據之謀於江公以十六日分隊傅城而東密請和春以營帳器械從遂駐營天心閣下楚勇營白馬

廟賊千餘來爭我分軍拒戰且戰且築壘明日壘成賊攻  
長沙八十餘日兩陷南城堞口不能入者天心閣倚角之  
力也九月二十日和春命分三路擊賊中路官兵擊賊壘  
不利公從江公與秦軍爲左路敗之妙高峯麓奪其旗柶  
州賊棄柶而下江壯節軍追之與楚勇合屯瀏陽門以賊  
方掘地道湘撫張公亮基預選楚勇百人登城備助堵缺  
口十月初二地雷發賊乘倒口蜂擁上哨長徐以祥斬獲  
數十級隊長伍坤宣奪其先鋒金黃大旗總兵鄧紹良又  
率鎮筓兵力禦之楚勇弁徐志近復率勇縋城開壕橫截  
其地洞每日數受傷不退賊乃罷



朝廷以楚督駐衡未能遏賊移兩廣總督徐廣縉來代又擁兵  
數萬駐湘潭省城外援兵不滿二萬與賊相持戰益厲復  
礮斃其僞西王蕭朝貴賊知城不可陷乃於十九夜竄甯  
鄉湘撫檄楚軍與王壯武公鑫湘軍西防湘鄉之路二十  
二日賊竄益陽向忠武公軍至戰陸賈山官軍大敗賊遂  
水陸並下出林子口過洞庭而天下騷然不甯矣江公憤  
諸將屢失機宜度不足爲盡力迺駐兵益陽分兵勦安化  
土匪適瀏陽徵義堂會匪起十二月從江公往破之殲其  
渠周國儒等是冬公服闋大臣論廣西守城功擬保以在  
憂辭

咸豐三年癸丑公三十六歲

正月楚督檄江公援湖北謂公有吏才留瀏陽鞠訊所俘餘黨脅從及願湔洗者全活甚衆事竣邑紳民焚香送之多泣下者時曾文正公以禮部侍郎治團練長沙知公能兵檄召之公不憚既至上手版會公迎笑曰余以軍檄召君君頗不解乎湖南方多事總督張公行調君余懼君之去也公力請歸里會公堅留之並見諸湘撫駱文忠公乘章大器之二月常甯土匪起駱公檄公治之而衡山土寇亦同時動衆數千人王壯武輕騎要公還兵會剿初九日至衡山流霞渡合軍渡南盡匿民舟約見藍旗則出擊賊

藍旗者楚軍旗色也初十日賊犯流霞渡欲渡湘不獲舟走縣東吳集藍旗突起賊反走湘軍繼之奮擊斬其酋餘分別誅釋衡山平是役楚軍五百人與湘軍三百破賊三千自是湖南北諸大府皆欲得楚湘軍爲助矣賂公又命公治衡山蠶役獄旬而結還長沙而江忠烈復函趣援通城以三月初八日至賊已走蒲圻追敗之而黃梅土匪又起二十九日駐軍黃梅城南忠烈已拜援皖

命軍中又大疫其弟忠濟及總兵李輔朝俱臥病乃一以兵事委公一戰而勝明日賊自城西分兩股迎敵又擊敗之已而潛來攻壘復計破之賊奔廣濟忠烈已授湖北按察使

奉

旨援皖四月率二千人東下次九江而江西省城告警乃東援  
南昌甫至賊亦抵城下江撫張文毅公蒞以軍事屬忠烈  
自駐章江門樓當敵衝公駐得勝門治守禦教守兵更番  
防城兼治文書與忠烈皆目不交睫者兩月而城內時聞  
掘地道聲人心惶駭文毅借團練大臣陳公孚恩巡城夜  
半至章江門欲有商於忠烈適忠烈憊困而睡不欲促之  
徘徊城樓上見燈後紙有字取視則傳單稿凡二公是夜  
所慮城堞緊要處皆已加派嚴密巡綽及城中掘隧截賊  
地道諸布署大驚喜曰城無憂矣下樓去次日以詢忠烈

答以公所爲二公大佩服請見劇論由是益知名已而南昌地雷屢發城復完者皆楚軍力也吉安又告急八月朔乃檄公與李忠武公續賓羅忠節公澤南率師自樟樹嶺進攻賊分竄安福泰和公與李公擊泰和羅公擊安福皆平之公之分擊泰和也忠烈病甚江撫以楚勇守城功犒花紅約二萬金忠烈弟忠濟分給不得平兵勇大譁公力排解之忠烈使公立劉字旗於火神廟戲臺上使願從者皆自來遂成一軍是爲公自立一軍之始既而南昌已解嚴而官軍敗績於田家鎮公方與忠烈還軍九江恐賊上竄亟自德化取道義甯輿國馳至武昌城中大慰已而公

寢疾忠烈復奉巡撫安徽之

命駐軍漢上欲待公與俱東蓋忠烈自援桂林及轉戰長沙湖北江西公嘗從忠烈知公行廉而沈深有謀凡營壘戰守軍書籌筆及調和將弁無鉅細皆倚之至是以疾不克從忠烈如失左右手焉十月廬州戰不利圍益急忠烈書數至公疾亦稍閒率舊部三百人及忠烈弟忠濬在籍添募之二千人由蘄黃赴援十一月十七日至廬州西南四十里舖先一日總督福恆敗潰於水西門外總兵勦勇公音德布營二十里舖聞公至大喜約明日同進兵公以營未定辭強之距城二里許賊伏發兩軍皆潰退屯廬西四十

里之岔路口旋移師夾林江十二月朔復進營城西十里  
舖初四日公與音公及都司戴文瀾分三路進以火彈攻  
賊營烟起帳裂皆退竄而西南賊營忽出數百人衝突南  
路公率諸軍擊退之轉戰至五里舖駐營士卒多喪亡賊  
張甚內攻外突城中咫尺不得達乃使戴文瀾夜率敢死  
六十人懷白蠟縋城入先後入者凡四百人助堵倒口公  
方謀選勁卒爲前鋒約諸軍大舉而知府某已諭款於賊  
十六日夜地雷轟裂水西門小東門賊亦梯城入忠烈仆  
橋下水中殉矣時咸豐三年十二月十七日也是時

欽差大臣總統淮南諸軍者陝西總督舒興阿率淮南諸軍萬

五千人援廬一戰而挫退屯三十里六安提督和春自穎州進援總統城外諸軍駐店埠楚軍獨營廬州城南當賊衝二十一日公偕忠溶謁舒公陳移軍合戰意不納二十三日乃議就和公於城東遣弁往通意和公甚喜二十三日遂移營而北駐東門外二十五日賊來攻兩軍合擊敗之公之初援廬也全軍取速直撲城下阻壕不能越散坐草坪上籌度入城法哨官徐以祥大呼急回賊兩路包鈔而來少遲則全軍沒矣反走步隊行捷甚賊鈔未合已出圍賊追公至狹處幾及徐插所執大刀田基上呼曰老子徐以祥不怕死者試來交一手徐自江忠烈起廣西經百



戰賊多震其名者遽收隊去以祥從公力最多後從他將  
戰死湖北通城青草坪公時恤其家是年四月初二日公  
堂弟子偁公卒

咸豐四年甲寅公三十七歲

正月初五日副將金玉貴將二千人自淮南至營未定賊  
來攻公與和公大隊助戰賊始卻初七日賊復挑戰仍擊  
敗之既而舒與阿革職戴罪防潁州秦恭武軍及劉玉豹  
等皆分兵去惟和公軍留攻廬公以楚勇從之常分路薄  
城毀壘輒有斬獲然城堅久不下是時江撫已上公守南  
昌討吉安功得